

Broj: 10-14/5-219-10-25 /17
Sarajevo, 19.04.2017. godine

Na osnovu člana 64. stav (1) tačka (a) i člana 70. st. (1), (3) i (6) Zakona o javnim nabavkama BiH („Službeni glasnik BiH”, broj 39/14), (u daljem tekstu: Zakon) federalni ministar poljoprivrede, vodoprivrede i šumarstva, d o n o s i

O D L U K U

o izboru najpovoljnijeg ponuđača za nabavku usluga mobilne telefonije

Član 1.

Na osnovu provedenog postupka sa objavom obavještenja na portalu Javnih nabavki prihvata se preporuka Stalne komisije za javne nabavke broj: 10-14/5-439/17 od 17.02.2017. godine i okvirni sporazum za nabavku usluga mobilne telefonije za potrebe Federalnog ministra poljoprivrede, vodoprivrede i šumarstva dodjeljuje se ponuđaču **“BH TELECOM”** dd Sarajevo za ponudu broj: 08.2-9.1-11464/17-01 u iznosu od **9.860,64** KM bez PDV-a.

Član 2.

U skladu sa članom 89. stav (3) Zakona Okvirni sporazum o nabavci dostavit će se najpovoljnijem ponuđaču iz člana 1. ove Odluke najkasnije 10 dana od dana okončanja postupka javne nabavke.

Član 3.

Ova Odluka bit će objavljena na službenoj internetskoj stranici Federalnog ministra poljoprivrede, vodoprivrede i šumarstva, www.fmpvs.ba i dostavit će se ponuđačima koji su učestvovali u postupku javne nabavke, u skladu sa članom 70. stav (6) Zakona.

Uz ovu Odluku ponuđačima koji su učestvovali u postupku javne nabavke izvršiće se dostavljanje i Zapisnika o pregledu i ocjeni ponude u skladu sa članom 71. stav (2) Zakona u roku od 7 (sedam) dana od dana donošenja.

Član 4.

Za realizaciju ove Odluke zadužuje se Sektor za finansije i računovodstvo.

Član 5.

Ova Odluka stupa na snagu danom donošenja.

O b r a z l o ž e n j e

Federalno ministarstvo poljoprivrede, vodoprivrede i šumarstva donijelo je Odluku o pokretanju postupka javne nabavke broj: 10-14/5-219-10/17 od 03.02.2017. godine za nabavku usluga mobilne telefonije. Javna nabavka je provedena po konkurentskom zahtjevu za dostavu ponuda u skladu sa članom 88. Zakona.

Procijenjena vrijednost javne nabavke bez PDV-a je 13.000,00 KM.

Objavještenje o nabavci objavljeno je na portalu EJN 17.02.2017. godine pod brojem: 855-7-2-4-3-5/17 i Ispravka obavještenja o nabavci pod brojem: 855-7-2-4-8-6/17 od 21.02.2017. godine i Ispravka i dopuna Obavještenja o nabavci pod brojem: 855-7-2-4-8-15/17 od 11.04.2017. godine.

Do krajnjeg roka utvrđenog u Zahtjevu za dostavu ponude, tj. do 18.04.2017. godine do 14:00 sati pristigle su 2 (dvije) ponude ponuđača:

1. “BH Telecom” dd Sarajevo,
2. “Mtel” ad Banja Luka.

U postupku po Zapisniku Komisije utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije);
- da su blagovremeno zaprimljene 2 (dvije) ponude;
- da nije bilo neblagovremeno primljenih ponuda;

Uvidom u priloženu dokumentaciju, neosporno je da je ponuđač **"BH TELECOM"** dd Sarajevo dostavio, u predmetnom postupku javne nabavke, prihvatljivu ponudu u skladu sa tenderskom dokumentacijom, u iznosu od **9.860,64** KM bez PDV-a, koja je prema kriteriju za izbor ponude – **ekonomski najpovoljnija ponuda** - ocijenjena kao najpovoljnija ponuda.

Obzirom da ponuda ponuđača **"BH TELECOM"** dd Sarajevo ocijenjena kao prihvatljiva, to je Komisija za nabavku predložila prihvatanje ponude, te shodno članu 70. Zakona, donošenje Odluke o izboru ponude ponuđača **"BH Telecom"** doo Sarajevo, kao najpovoljnije za predmetnu nabavku.

Cijena ponude bez PDV-a **9.860,64** KM, ukupna cijena ponude sa PDV-om **11.536,95** KM.

U postupku donošenja ove Odluke, posebno su cijenjene činjenice da je Stalna komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U provedenom postupku nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku usluga mobilne telefonije.

Naime, u postupku je ocijenjeno da je Stalna komisija u svemu pravilno postupila te je preporuka za izbor najpovoljnijeg ponuđača dana u skladu sa Zakonom, podzakonskim aktima i tenderskom dokumentacijom.

Na osnovu činjenica utvrđenih u postupku pregleda i ocjene ponuda, a primjenom člana 64. stav (1) tačka b) Zakona o javnim nabavkama kao najpovoljniji ponuđač izabran je **"BH TELECOM"** dd Sarajevo, na iznos od **11.536,95** KM sa PDV-om.

Uzimajući u obzir naprijed navedeno, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem Federalnog ministarstva poljoprivrede, vodoprivrede i šumarstva, u roku od 5 (pet) dana od dana prijema ove Odluke i to u pisanoj formi i u dovoljnom broju primjeraka a koji ne može biti manji od tri.

Dostaviti:

- „BH Telecom“ dd
- „Mtel“ ad Banja Luka.
- a/a.



MINISTAR

mr. sc. Šemsudin Dedić